



1. Baumgarten J. Sigism. Jac. / Diss.
de Miraculis in Regno Gratiae,
Hale, 1753.
2. ——— Diss. de Limitibus Liber-
tati Conscientiae ponendis, Hale
1753.
3. ——— Diss. de Anypostasia et
Enypostasia Humanae Christi
Naturae, Hale, 1753.
4. ——— Authentica Doxologie
Matth. VI. vers. 13. obvia, a
recentissimis oppugnationibus
vindictam, Hale, 1753.
5. ——— Diss. de vera Operis operati
Indole, Hale, 1753.

D. CHRISTIANI BENEDICTI MICHAELIS,
THEOL. ET LINGG. GR. AC ORIENT. PROFESS.
COMMENTATIVNCVLA

DE
IESV FILIO DEI
PER
RESVRRECTIONEM
EX MORTVIS

DEMONSTRATO
EX PSALMO II, 7.
NOMINE PRORECTORIS ET SENATVS
ACADEMIAE FRIDERICIANAE
SCRIPTA
IN FERIS PASCHALIBVS
A. MDCCC LIV.



HALAE LITTERIS HENDELIANIS.



BIBLIOPOLYGRAPHI
LITHOGRAPHIA
LITHOGRAPHIA

IESU FILII DEI

REGURRITIONEM
EXORTIVS

NOMINE THOMAS ET SIBI
ACADEMIAE THEOLOGICAE
IN PERIS TALI
A. 1788





um per Dei gratiam festi dies, memoriae resurrectionis Dominicae sacri, iam denuo in Ecclesia Christi pie concelebrandi instent, Ciues nobilissimi, officii nostri esse ducimus, & nos ipsos, & nobiscum vos quoque, Pectora cara, ad festiuitatem hanc, ecclesiae Christi tam faustam & salutarem, digne pieque obeundam, publico hoc programmata excitare. Eam in rem Oraculum meditandum vobis proponimus longe ponderosissimum, nempe illud Psalm. II, 7. *DOMINVS dixit ad me: Filius meus es tu, ego hodie genui te.*

Desumptum id ex Psalmorum non primo forte, sed secundo: idque ex ordine in omnibus fere & probatissimis codicibus Ebraeis recepto; suffragante Paulo, qui, ipsum hunc locum citans Actor. XIII, 33. disertam formulam praemittit: *sicut & in Psalmo SECVNDO scriptum est.* Et quamuis negari nequeat, in aliquibus codicum, tum Ebraeorum tum Graecorum, Psalmum hunc, qui nobis secundus est, cum primo vt vnum, ac adeo vt primum Psalmorum computari; tamen illi, maximeque Ebraei codices, oppido pauci sunt, vti B. IO. HENR. MICHAELIS in Praef. ad suam Codicis Ebraei edit. §. XII. ostendit; & fidem eo minus merentur, quo magis a se inuicem argumento differunt Psalmi I. & II. ille moralis, hic propheticus, quos proin compactos a Psalte in vnum fuisse omnino improbable est. Vtut item sint qui l. c. Act. XIII, 33. pro $\psi\alpha\lambda\mu\acute{\omega}\ \tau\acute{\omega}\ \delta\epsilon\upsilon\tau\acute{\epsilon}\rho\omega$, *psalmo secundo*, legunt $\psi\alpha\lambda\mu\acute{\omega}\ \tau\acute{\omega}\ \pi\rho\acute{\omega}\tau\omega$, *psalmo primo*;

primo; tamen hi non sunt alii, quam ex Patribus ecclesiæ pauci, ex versionibus sola *vetus Itala*, ex codicibus MStis solus Græco-Latinus *Cantabrigiensis*, cuius Græca Latinis conformata esse alibi * euietum est, & ex editionibus impressis nonnisi *Aldina & Frobeniana*: vt mirum sit, potuisse præter alios IO. MILLIVM in sua N. Testamenti editione hanc lectionem *πρώτῳ primo* pro *δευτέρῳ secundo* venditare vt genuinam, contra consensum non solum codicum Græcorum, sed etiam (modo *Italiam* exceperis) versionum veterum ac Orientalium omnium, ipsiusque *Vulgatæ Hieronymianæ*; ex sola hac ratione, *quod mutandi δευτέρῳ in πρώτῳ nulla omnino causa fuerit*; legendi vero *δευτέρῳ pro πρώτῳ longe maxima*; ne discederet sc. Lucas a codicibus Hebraeis ac Græcis V. T. quasi vero *Italæ* versionis auctor, quem Patres nonnulli secuti, & cui Græca Codicis *Cantabrig.* conformata sunt, cum forte haberet Psalterium siue Ebræum siue Græcum, in quo Psalmi I. & II in vnum compacti erant, non potuisset, iudicio abusus, in memorato Actorum loco *πρώτῳ* ponere pro *δευτέρῳ*, vt ne Paulus discedere videretur a numero Psalmi, quem in suo repertum Psalterio incaute pro genuino adsumerat.

Psalmus autem hic secundus, licet sit *ἀνεπίσημος*, nulloque insignis titulo speciali, qui Davidis nomen præ se ferat, vt alii Psalmorum, tamen Davidem haud dubie auctorem agnoscit. Cum enim in Davidicorum Psalmorum volumine hic quoque comprehendatur, igitur & ipse Davidis esse iure merito tamdiu præsumitur, quamdiu contrarium euidentiis argumentis euietum non fuerit. Dubitationem vero hac de re omnem nobis eximit auctoritas Apostolorum, Petri atque Ioannis, Psalmum hunc allegantium in precibus suis ad Deum Act. IV, 25. sub expressa formula: *Qui Spiritu sancto per os patris nostri David, pueri tui, dixisti* etc. Plane vt & Psalmus XCV. licet titulo carens, auctoris nomen nullum præferat, tamen Ebr. IV, 7. diserte *Dauidi* adscribitur. Quod si David huius Psalmi est scriptor, (vti omnino est) tanto euidetior est diuina eius auctoritas. Fuit enim David *vir constitutus in excelso, vnctus Dei Iacobi, amenus psalmis Israelis; per quem Spiritus*

* Puta in C. R. MICHAELIS Tract. critica de Variis Lectionibus N. T. §. 83.

tus Domini locutus est, & super cuius lingua sermo fuit Domini,
2 Sam. XXIII, 1. 2.

Vtut vero David huius Psalmi auctor sit, tamen, cum in eo
& *Vnctum Domini* & *Filium* commemorat, non de *se ipso*, sed de
Christo, Salvatore mundi, agere existimandus est. Prius quidem
nouiorum temporum Iudæi adferere conati sunt, sed id ita, vt ne-
cessum habuerint fateri, se, dum hoc agerent, mala egisse fide, & a
maiorum suorum, rectius de hac re sentientium, consensu peni-
tus descivisse. Etenim R. SALOMO ISAACIDES Comm. ad h. I. scri-
bit: רבותינו דרשו ארז הענין על מלך המשיח ולפי משמעו
נכון לפותרו על דוד עצמו *Magistri nostri antiquiores allegorice*
bunc textum explicauerunt de rege Messia; sed rectius est, cum in-
terpretari de Davide ipso. Loca veterum, quæ innuit, reperiun-
tur in tr. Talmudico *Succa* f. 52. a. in *Ialkut* parte II. f. 90. b. in *Bre-*
schibb rabba f. 45. b. c. & in *Medrasch Tillim* f. 4. b. * Malo potius
dolo interpretamentum hoc *R. Salomonis* recens suam debere ori-
ginem, quam sincero inquirendi sensus litteralis studio, produnt
ipsius verba, in editionibus quidem Venetis recentioribus & Basi-
leenfi omissa, (deleta nempe a censoribus christianis, iudicio suo
abusis, vt ne iniuriosa essent contra christianam religionem) at ple-
nius expressa in Venetis antiquioribus, hoc modo, ולפי משמעו
ולתשובת המינים *sed secundum sensum eius litteralem, & NB.*
vt hæreticis (in christianos hoc dicit) *respondere queamus, rectius*
est, psalmum de Davide ipso explicare; & in codice membranaceo,
quem Ven. Ministerium Euangelicum *Erffurtense* possidet, simpli-
citer, ולתשובת המינים *sed vt hæreticis respondere queamus,*
cetera. Liquet enim hinc, doctorem illum Iudæum, deserto vni-
uersali veterum consensu, locum hunc Davidi ipsi adcommo-
dasse vix alia de causa, quam vt Christianorum argumenta pro diuina
Christi natura, quibus se premi intelligebat, fraudulenter ac so-
phistice euereret. Sincerior paulo est ABRAHAM fil. EZRAE: qui
vtut anceps sit, neque scire videatur, vtri primas decernere de-
beat, num *R. Salomonis* corruptelæ, an veterum suæ gentis magi-
strorum

A 3

* De singulis videatur C. F. MICHAELIS *diff. de Nominibus Christi diui-*
nam illius naturam designantibus §. XVII. XVIII.

strorum explicationi; tamen ad v. 2. fatetur ingenuè: ואם ערר
 ויהר ברור המשיח הרבר יותר ברור *Si de Messia accipiatur Psalmus, res
 multo est clarior.* Atqui de Christo, non de Dauide, Psalmum age-
 re, liquet ex magnificis illis Prædicatis, quæ non huic, sed illi com-
 petunt: vt v. 7. *Dominus dixit ad me, Filius meus tu es, ego hodie
 genui te;* v. 8. *Dabo gentes hereditatem tuam, & possessionem tuam
 fines terræ, cetera;* v. 12. *Osculamini Filium, ne irascatur, cetera.*
 Confirmat nos auctoritas Apostolorum, qui, siue loquerentur Iu-
 daeorum synedris, siue scriberent Ebræis fidelibus, siue agerent
 cum ecclesiis Christi, si non omnibus in vniuersum, tamen pluri-
 bus, dicta ex hoc psalmo desumpta de Christo explicarunt: vt 1) v.
 1. 2. coll. Act. IV, 25. 26. 27. 2) v. 7. coll. Act. XIII, 33. Ebr. I, 5. c. V, 5.
 3) v. 8. 9. coll. Apoc. II, 27. c. XII, 5. c. XIX, 15.

Vt autem generatim Prophetæ V. T. scrutati sunt, in quod vel
*quale tempus intenderet habitans in eis Spiritus Christi, prænuncians
 venturas in Christum passiones, & glorias secuturas post eas,* 1 Pet. I,
 11. sic speciatim Dauid Psalmo hoc II. posterius illud momentum,
 glorias puta & statum exaltationis Christi, qui cum resurrectione
 eius initia cepit, persecutus fuit; idque ita, ac si non eminus de fu-
 turis caneret euentibus, sed quasi futuros illos euentus tanquam
 præsentés iam cerneret. Tanta erat perceptionum Dauidis in Spi-
 ritu constituti, indeque longissime in remota tempora, velut ei ob
 oculos iam posita essent, prospicientis, euidèntia, claritas & certi-
 tudo. Scopus igitur est, ostendere, vanos irritosque esse futuros
 conatus omnes omnium aduersariorum Christi, post passiones ac
 mortem exaltati, inde a resurrectione illius vsque ad consumma-
 tionem sæculorum.

Hoc vero singulare est, & ad sublimitatem propheticæ di-
 ctionis pertinet, quod Psalmus hic formam habet Dialogi, in quo
 plures sunt, quanquam non distincti nominibus suis, collocuto-
 res.* Etenim per vices heic loquuntur 1) Psalter siue Propheta
 v. 1. 2. *Quare fremunt gentes, & populi meditati sunt inania? Ad-
 stiterunt reges terræ, & principes conuenerunt in unum, aduersus
 Domi-*

* Similem διαλογισμὸν in aliis psalmis obseruauit B. AVG. HERM. FRAN-
 CKIVS Introduct. in Psalterium §. XLII - XLV. p. 29. seqq.

Dominum, & aduersus Christum eius? 2) Ipsi aduersarii, gentes, populi, reges, principes, veluti frementes coram audirentur, v. 3. *Dirumpamus vincula eorum, (Domini & Christi eius,) & proiciamus a nobis iugum ipsorum.* 3) Iterumque Psaltes v. 4. 5. *Qui habitat in caelis iridebit eos, (populos principesque) & Dominus subsannabit eos. Tunc loquetur ad eos in ira sua, & in furore suo turbabit eos.* 4) Ipse interueniens Dominus, Deus Pater, v. 6. *Ego vero vni regem meum super Sion montem sanctum meum.* 5) Christus siue vnctus Domini, v. 7. 8. 9. *Narrabo de statuto Dei Patris: Dominus dixit ad me: Filius meus es tu, ego hodie genui te. Postula a me, & dabo tibi gentes haereditatem tuam, & possessionem tuam terminos terrae. Reges eos in virga ferrea, & tanquam vas figuli confringes eos.* Ac denique 7) Psaltes, tertium loquens, faciensque epilogum, v. 10. 11. 12. *Et nunc, reges, intelligite: erudimini, qui iudicatis terram. Seruite Domino in timore, & exultate ei cum tremore. Apprehendite disciplinam, ne quando irascatur Dominus, & pereatis de via, cum exarserit breui ira eius. Beati omnes, qui confidunt in eo.* Ac sperare quidem licet, Psalmum hunc, si ita ex personis diuersis earumque in loquendo vicissitudine distinguatur, sensum lectoribus daturum esse planiorem pleniorumque. Nec vero difficilius erit, personas colloquentes ex argumento & caractere orationis, quo singulae fermocinantes inducuntur, quam (quod in prouerbio est) aues ex cantu suo discernere.

Propius nunc ad ipsum illud comma accedamus, quod paschalis nostrae meditationis materiam delegimus: v. 7. *Dominus dixit ad me: Filius meus es tu, ego hodie genui te.* Is, qui haec narrat, est sine dubio *Christus*, utpote *Filius Dei & genitus ab illo*. Dominus vero, de quo narrat, quia Christo Filio contradistinguitur, est *Deus Pater*, utpote Christo dicens, non solum, *Filius meus es tu*, sed etiam, *Ego hodie genui te*. Quae duo momenta si recte pensitentur, sensum commatis quod ad singulas partes illustrabunt. Primo enim *gignens Dominus* vix erit *Spiritus sanctus*, ita ut hic Christum censendus esset genuisse ratione humanae naturae, sicuti Deus Pater eum genuit ratione diuinæ; ac adeo Christus, qua
Deus,

Deus, esset quidem Patris, sed qua homo, Spiritus sancti filius. Potius Christus qua Deus, fuit *αἰνήτως sine matre*, & qua homo, *αἰπότητος sine patre*, suo modo adsimilatus Melchisedeco, Ebr. VII, 3. ratione naturæ diuinæ *Filius Dei*, ὁ υἱὸς τοῦ Θεοῦ, vel absolute ὁ υἱὸς *Filius*; ratione humanæ vero, ὁ υἱὸς τοῦ ἀνθρώπου *Filius hominis*, cum in V. tum in N. Testamento passim adpellatus. Sicuti contra naturam alibi in Codice sacro *Spiritus sancti filius* adpellatur, vel *genitus ab illo* legitur. Et quamuis Luc. I, 35. Gabriel Mariæ virgini dixerit, *Spiritus sanctus superueniet in te*, tamen id ad *generationem*, hoc est, ad communicationem naturæ humanæ, quæ in Spiritu sancto non est, vix trahi potest, sed tantum eo spectat, quod beata Virgo per diuinam potentiam, sine viro & *παρὰ φύσιν* grauida futura, fœtusque eius iam in vtero materno secundum humanam naturam Spiritu S. vngendus esset, secundum illud Psal. XLV, 8. *Vnxit te Deus, Deus tuus, oleo letitiæ præ consortibus tuis*. Multo minus locum habebit corruptela Socinianorum, secundum quos Christus a Patre vocatur *Filius meus*, non quod talis sit per naturam, sed per gratiam; neque per æternam generationem, sed per adoptionem: pariterque secundum eosdem illud, *Ego hodie genui te*, non *generationem*, seu communicationem eiusdem naturæ & essentiæ, sed meram *ex mortuis resurrectionem* dicit. Quamuis enim huc trahi posse videatur, tum quod Col. I, 18. ἀρχὴ πρωτότοκος τῶν νεκρῶν *principium, primogenitus ex mortuis*, tum quod Apoc. I, 5. ὁ πρωτότοκος ἐν τῶν νεκρῶν *primogenitus mortuorum, siue ex mortuis*, Christus adpellatur; tamen titulus ille, qui per tropum, a filiorum primogenito desumptum, Christo prærogatiuam & præeminentiam præ cunctis reliquis, siue resuscitatis, siue resuscitandis ex morte, tribuit, fraudi non esse debet proprio significatui vocum, tum *filius meus*, tum *genui te*: vtpote quem firmant parallela, Ebr. I, 4. Christus tanto melior angelis effectus, quanto excellentius præ illis nomen hæreditauit, & Mich. V, 1. *Ex te mihi egredietur qui sit dominator in Israel, cuius egressiones sunt ab antiquo, a diebus æternitatis*, cet. Vnde idem Ioann. III, 16. vocatur *Filius Dei unigenitus*, Col. I, 15. *Imago Dei inuisibilis*, & Ebr. I, 3. *Splendor gloriæ, & Figura substantiæ Dei*.

Urgetur

Urgetur ab aduersariis, quod secundum orthodoxam huius oraculi explicationem, de aeterna Filii generatione a Patre, conciliari inuicem vix possint Praesens tempus *hodie*, & Praeteritum *genui te*. Ad quam obiectionem responderi potest, vel verbis RAYMUNDI MARTINI in *Pug. fidei* Parte II. distinct. I. c. VIII. §. II. *Nota*, inquietis, quod non dicit, olim genui te, quia sic videretur totaliter generatio haec praeteriisse & desuisse; nec dicit, hodie gigno te, quia sic videretur nouiter incepisse: conuenientius igitur dixit, hodie genui te, vt daret intelligi per hodie, generationem illam nunquam praeteriisse, nec desuisse, & per genui, nunquam capisse, nec recenter inchoasse. Vel si haec pia magis quam solida visa fuerit conciliatio, per *hodie* intelligi potest *hodie aeternitatis*, in quo secundum AUGUSTINUM ad h. l. nec praeteritum quidquam est, quasi esse deserit; nec futurum, quasi nondum sit: sed praesens tantum. Vel denique, si & haec interpretatio adfectata forte videatur; imprimis cum Ebr. הוּיְ הַיּוֹם *hodie*, siue *hoc die*, cum praefixo *He* demonstratio, vix alio significatu, quam temporis praesentis, quod praeterito contradistinctum sit, capiatur, v. g. Psal. XCV, 7. coll. cum Ebr. III, 7. 15. c. IV, 7. satius igitur fuerit, illud הוּיְ הַיּוֹם *genui te*, non tam de *generationis actu*, (qui tamen supponitur, quin & quam maxime simul innuitur,) quam de *illius manifestatione ac declaratione* intelligere, vt sensus sit: *Filius meus tu es, ego hodie genui te*, id est, re ipsa ostendi ac declaratum dedi, te filium meum esse, & ab aeterno a me genitum, dum te post passiones ac mortem resuscitavi, & resuscitatum exaltaui, cetera. Erit ergo *hodie*, tempus illud, quod a resuscitatione Christi ex mortuis initia cepit, statumque exaltationis illius inchoavit: & conueniet argumento Psalmus hic II. cum illo CX. *Dixit Dominus Domino meo: Sede a dextris meis, donec ponam inimicos tuos scabellum pedum duorum*, cetera.

Placet haec explicationum vltima praedictis prioribus: primo, quia secundum eam vocibus, *Filius meus*, *Hodie*, *Genui te*, proprius suus significatus relinquatur, aut saltem, quod ad vltimam attinet, tanquam principalis includitur. Deinde, quia fauet ei parallelismus realis, secundum quem Iesus noster demonstrari debuit

debuit pro Messia & Filio Dei ex eius tertio post mortem futura
 ex mortuis resurrectione. Vt Matth. XII, 39. 40. *Generatio mala*
& adultera signum quærit; & signum non dabitur ei, nisi signum
Ionæ prophetæ. Sicut enim fuit Ionas in ventre ceti tribus diebus
& tribus noctibus, sic erit Filius hominis in corde terræ tribus die-
bus & tribus noctibus. Et Ioann. II, 19. Christus Iudæis signum a
 se poscentibus, *Soluite, inquit, templum hoc, & in tribus diebus*
excitabo illud. In cuius declarationem subdit Euangelista v. 21. 22.
Ille autem dicebat de templo corporis sui. Cum ergo resurrexisset a
mortuis, recordati sunt discipuli eius, quod hoc dixisset; & credi-
derunt Scripturæ, & sermoni quem dixerat Iesus. Act. XVII, 31.
 Deus statuit diem, in quo iudicaturus est orbem in æquitate per vi-
 rum, quem statuit, (Iesum) fidem præbens omnibus, (esse eum,
 quem se professus est, Christum ac Filium Dei) dum suscitauit
 eum a mortuis. Et Rom. I, 4. *Euangelium Dei — de Filio*
suo, — qui demonstratus est Filius Dei, (quanam in re?) in
virtute, (quo modo?) secundum Spiritum sanctificationis, (vnde?)
ex resurrectione a mortuis, Iesu Christo Domino nostro. Tum ve-
 ro firmare videtur datam explicationem Paulus Act. XIII, 32. 33.
Hanc (promissionem patribus factam) Deus adimpleuit filiis illo-
rum nobis, ἀναστήσας, sec. versionem Lat. Vulg. resuscitans Iesum,
(quomodo & B. Luth. in dem, daß er Iesum auferwecket hat) sicut
& in psalmo secundo scriptum est: Filius meus es tu, ego hodie ge-
nui te. Vbi τὸ ἀναστήσας, *suscitans*, non tam ad exhibitionem
 & missionem Iesu in adsumta humana natura, quam ad suscita-
 tionem eius a mortuis pertinere, innuere videntur & proxime ob-
 antegressa v. 30. *Deus vero suscitauit eum a mortuis tertia die,* sta-
 timque sequentia, v. 34. *Quod autem suscitauit eum a mortuis, am-*
plius non reuersurum in corruptionem, cet. Nec vero, valide ob-
 verti potest, quod l. c. ἀναστήσας *suscitans* absolute positum, sine
 adiecto ἐκ νεκρῶν *ex mortuis*, non *resuscitationem*, sed *missionem*
 Christi dicere videatur: quia ex Act. II, 24. 32. liquet, τὸ ἀναστή-
 σαι etiam tum, cum absolute ponitur, *suscitationem ex mortuis*
 significare posse.

Cum

Cum igitur ex data explicatione, **וְלִרְחִיקָה לֵךְ** *genui te idem* sit, ac **כִּי יִרְחִיקָה** *notum feci*, demonstraui, manifestaui, re ipsa potius & opere, quam verbis, *quod genuerim te*; quaeri potest, num genius filii sacri talem explicationem admittat? & num analogia talis locutionis exempla suppetant? Vtique talia sunt: v.g. in tabulis V.T. Exod. XXXIII, 13. **וְאֵינִי מֵיָמֵינוּ** *inueniam*, i. e. re ipsa intelligatur, & manifestum fiat, me inuenisse, *gratiam in oculis tuis*, coll. v. 12. vbi Deus dixerat Mosi, *Inuenisti gratiam in oculis meis*; Num. XIV, 17. **יְגִדֶל** *Magnum sit*, i. e. manifestetur esse magnum, *robur Domini*, siue, vt Arabs P. reddidit, *Adpareat magnitudo roboris tui*; 2 Reg. XIX, 16. **וְשָׁמַע** *Et audi*, i. e. opere ipso restatum fac, Domine, te audiuisse, *verba Sancteberibi*; Psal. LVII, 6. 12. **רוּמִי** *Altus esto*, i. e. altitudinem tuam, qua *super caelos emines*, manifesta, & palam demonstra, *Deus*; Psal. LXXVIII, 29. **עֲזֹבֵנִי** *robustus esto*, *Deus*, pro, *robur tuum opere ipso demonstra*; Psal. LXXXIX, 28. *Etiam ego*, inquit *Deus Pater de Christo Filio suo*, *primogenitum* **יִהְיֶה** *ponam illum*, i. e. talem esse palam demonstrabo, coll. v. 27. *Ipsè vocabit me*, *Pater mi!* Sic in N. T. Act. II, 36. *Dominum & Christum fecit* (h. e. esse declarauit, & gloriose manifestauit) *Deus hunc Iesum, quem vos crucifixistis*. Et Iac. II, 22. *Ex operibus fides èτελειώθη consummata s. perfecta*, h. e. vt B. 10. CHRISTOPH. WOLFIVS in Curis ad l. c. recte explicauit, *Ex operibus fides eius, vt perfecta prodita est & agnita*. Confer. eiusdem WOLFII Curas philol. & crit. in N. T. Tom. II. p. 797. seqq.

Quo omnia cum ita, vt scripsimus, se habeant, *Carissimi Ciues*, igitur id agite, vt Iesum Dominum nostrum, cum ex aliis argumentis, tum vero maxime ex resurrectione eius a mortuis, agnoscatis demonstratum vt Filium Dei, eumque ab aeterno a Patre genitum. Et vero cauetes, ne qui vestrum sint in numero aduersariorum Dei & Christi, qui hoc ipso in Psalmo v. 2. loquentes introducuntur his verbis: *Dirumpamus vincula eorum, & proiciamus a nobis iugum ipsorum*. Neque sitis in classe illorum ciuium rebel-


rebellium, qui secundum Luc. XIX, 14. de rege suo peregre profecto dicebant: *Nolumus regnare hunc super nos.* Potius reputate, quod Christus Matth. XI, 29. 30. dixit: *Tollite iugum meum super vos, & discite a me, quia mitis sum, & humilis corde: & inuenietis quietem animabus vestris. Iugum enim meum suauis est, & onus meum leue.* Inprimis vero & vobis dictum putate, quod vates diuinus v. 10. 11. 12. ipsis regibus terrarum hortando, comminando & promittendo grauissime inculcat: *Et nunc, reges, intelligite: erudimini, qui iudicatis terram. Seruite Domino in timore, & exultate ei cum tremore. Adprehendite disciplinam, ne quando irascatur Dominus, & pereatis de via, cum exarserit breui ira eius. Beati omnes, qui confidunt in eo!* Faxit Deus, vt huius beatitudinis participes euadamus vniuersi! P. P. in Academia Fridericiana in vigiliis sacrorum Paschali-um A. MDCCLIV.



01 A 6566

sb.

Mc. 54.



20
D. CHRISTIANI BENEDICTI MICHAELIS,
THEOL. ET LINGG. GR. AC ORIENT. PROFESS.
COMMENTATIVNCVLA

DE
IESV FILIO DEI

PER
**RESVRRECTIONEM
EX MORTVIS**

DEMONSTRATO
EX PSALMO II, 7.
NOMINE PRORECTORIS ET SENATVS
ACADEMIAE FRIDERICIANAE
SCRIPTA
IN FERIIS PASCHALIBVS
A. MDCCC LIV.



HALAE LITTERIS HENDELIANIS.

